



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

Pio Lectori.

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

PIO LECTORI.



PRV M rerum que
ad vita Christiana
perfectionem neces-
saria sunt, prima &
potissima est Dei atq;
dominorum mandato-
rum assidua confide-
ratio & memoria. Hec enim est potentissimi
frœnum ad coercenda corda nostra, ne in or-
dinatas appetitiones suas sequatur: hæc est
efficacissimum remedium ad conservanda
hominis tum interioris, tum exterioris bona in
constitutionem: hæc est fortissimum scutum,
ad excipienda & repellenda omnium inimi-
corum nostrorum, aduersum nos contorta
iacula. Hæc præterea est admirabile me-
dium vt Deus semper operetur in nobis, dona-
que & gratias suas in animabus nostris accu-
mulet. Quamuis enim Deus sit fons quidam
perennis indefinenter fluens, & quantum
ex se est, paratissimus gratiarum sacrarum
niquas, ad quas omnes inuitat, nobis confer-
re: necessariam tamen est, ad illum accedere

PRAEFATIO.

vt ea percipias. Hinc Prophetæ David. Psal. 33.
 Accedite, inquit, ad eum & illuminamini,
 & facies vestræ non confundentur.
 Et alibi loquens de continua memoria quæ
 Dei meminisset. Oculi mei, ait, semper ad
 Dominum quoniam ipse euellet de la-
 queo pedes meos. Et iterum: Prouide-
 bam, dicit, Dominū in conspectu meo
 semper, quoniam à dextris est mihi ne
 commouear.

Vbi glosa Cassiodori ait: Exponendo quid fe-
 cerit tradit nobis singulare remedium quo
 peccata vicemus. Nam qui illum semper intue-
 tur acie mentis: nullatenus ad del. Et conuer-
 titur. Et S. Gregorius Nazianzenus dicit.
 Dei memoriam tam continuam in nobis esse
 debere, vt non tam saepe Spiritum ducere,
 quam Dei meminisse debeamus. Hanc vero
 memoriam dicit, ab anima omnem necessitati-
 am expellere, & ingenti cum voluptate com-
 plere: Quod regius Prophetæ David confir-
 mat, cum Psalm. 76 sic ait: Renuit conso-
 lari anima mea in rebus videlicet presentis
 vite, memor fui Dei, & delectatus sum.
 S. Bernardus inquit. Sicut nullū est momentum
 quo homo non vitare vel fruiatur Dei bonita-

PR AEFATIO.

te & misericordia sic nullum debet esse momentum, quo eum praesentem non habeat in memoria. S. Gregorius Papa hortatur nos, ut eum semper memoria circumferamus, per quem facta est memoria: Et alibi declarans quam utilis sit hac Dei memoria dicit. Ei cordi quod in Dei memoria semper occupatum est, malignum spiritum dominari non posse. S. etiam Ambrosius monet: ut siue manducemus, siue bibamus, semper annunciemus Christum, cogitemus Christum, precemur Christum, loquamur cum Christo intus in cordibus nostris, nec unquam discedat ab ore nostro. S. Hieronymus dicit. Sicut miles in praelio nunquam deponit arma, ita Christianum quemlibet in omni loco armari debere oratione: ut eum egredientem armet oratio, ac revertenti praeorsus oratio quam sessio occurrat.

Hac continua Dei consideratio siue memoria duobus praecipue modis fieri potest. Vel stabilem & certam aliquam considerationem assumendo, in qua continue perseveremus: vel occasionem ex ipsis rebus quae videmus, aut ex negotiis quae quotidie tractamus ad cor ad Deum erigendum captando, Prior modus difficilius est operari, ac requirit hominem in suis

PRAEFATIO.

recollectione valdè exercitatum : intellectus quieti atque à negotijs omnibus solutum ac liberum ideoque proprius est solitariorum.

Alter facilior est : quia præter varietatem qua naturam oblectat, & fastidium tollit ; illa qua videntur & negotia qua tractantur cor ad quarendum Deum assuescunt. facile excitant, urgentq; ut fructum aliquem ex visis vel auditis eliciat. Quo etiam uti possunt qui multis negotijs exterioribus occupantur & distinentur. Ad hoc autem faciendum S. Paulus Apostolus, omnes Christi fideles in Epistola quam ad Ephesios scripsit hortatur, dicens. Loquentes vobismetipsis in psalmis, hymnis, & canticis spiritibus : cantantes & psallentes in cordibus vestris Domino : gratias agentes semper pro omnibus, in nomine Domini nostri Iesu Christi, Deo & Patri.

Ego, igitur ut utilem & sanctam hanc exercitationem pro virili pro monerem, opera pretium esse duxi conscribere hoc MANUALE, in quo methodum traderem, quomodo ex omnibus qua aguntur aut videntur quilibet

PRAEFATIO.

quolibet occasionem cor ad Deum erigendi
sumere possit. Vel per breuem aliquam sa-
crarum literarum sententiam qua rem pro-
positam directe respiciat: vel per considera-
tionem aliquam: aut Gratiarum actionem:
aut Confusionem: aut Petitionem: aut Ob-
lationem: non quod obligemus lectores ad illa
omnia simul exercenda, sed vt quisque in
tanta rerum varietate sumat quod sua con-
ditioni ac spiritui conuenientius esse iudica-
uerit: vel si prater illa qua hic annotata
sunt (neque enim omnia spaciatiim scribi
possunt) aliud aliquid menti eius sese of-
ferat, vt ex ijs qua hic scribuntur, noue-
rit, quomodo ad vsum illud conuertere pos-
sit.

Hoc autem **MANUALE** non ideo scrip-
simus vt tantummodo legatur: quia id parua
admodum vtilitatis foret, sed vt ea, qua in eo
continentur, exerceantur. Quod qui fecerit,
& aliquot diebus continuauerit, tam nobi-
lem inde fructum in anima percipiet, vt cer-
tus sim, quod omnem laborem molestiam in
hoc exercitio perlatam optime in pensam iu-
dicaturus.

PRAEFATIO.

Et spiritualiter id, quod in veteri lege Sacerdos
v^o u^o precipiebatur, vt ignem qui ante arcam
foederis iugiter ardere debebat lignis subiectis
Iouerem, aleremq³ perfecturus sit: quia hac
ratione in se censeruatur deuotionis & di-
uini amoris ignem, qui in corde nostro quod
est Altare in quo Deo Spirituality sanctarum
cogitationum & desideriorum sacrificia offe-
rimus incessanter ardere debet. Deus omni-
potens cunctis christi fidelibus gratiam lar-
giatur, vt illum solum in omnibus operibus
suis spectent, sanctissimamq³ ipsius
voluntatem in omnibus im-
pleans, Amen.

Exer.